

UniMAP Meterai MoU Dengan Greenwich University Karachi, Pakistan

UniMAP melebarkan lagi jaringan kerjasamanya antarabangsanya dengan memeterai MoU dengan Greenwich University Karachi, Pakistan. Delegasi telah mengadakan kunjungan ke Anjung UniMAP di Kuala Lumpur pada 22 Februari 2010 yang lalu. Lawatan ini dihadiri oleh Naib Canselor universiti tersebut, Madam Seema Mughal dan bekas 'Post Doctorate' Dr Hamadullah Kakepoto. Selama setahun beliau membuat kajian di sini, beliau ditempatkan di bawah seliaan Pusat Kemahiran Komunikasi dan Keusahawanan.

Di samping itu, jalinan kerjasama ini adalah yang pertama kali diadakan di antara UniMAP dengan universiti dari negara Pakistan. Majlis ini telah dihadiri oleh Y. Bhg. Brig. Jen. Prof. Dato'. Dr. Kamaruddin Hussin, Naib Canselor UniMAP serta disaksikan oleh Y. Bhg. Tan Sri Dato' Seri Dr Haji Zainul Ariff Bin Haji Hussain, Pengerusi Lembaga Pengarah Universiti dan beberapa orang Dekan UniMAP.

Antara cadangan bentuk kerjasama yang bakal diadakan di antara Greenwich University Karachi, Pakistan dengan Universiti Malaysia Perlis (UniMAP) adalah kerjasama dalam bidang penyelidikan dan pendidikan mengikut kelayakan jurusan/ fakulti, mengadakan pertukaran maklumat, bahan-bahan akademik dan

penerbitan akademik, kerjasama dalam projek-projek baru yang sedang berkembang dan penyelidikan bersama seperti seminar dan aktiviti-aktiviti lain.

Selain itu, kedua – dua universiti juga bersetuju untuk membangunkan program akademik dan penyelidikan pada peringkat sijil, sarjana muda dan sarjana serta menjalinkan kerjasama dalam program-program latihan untuk fakulti dan pelajar-pelajar, menjayakan persidangan dan seminar secara usahasama, bekerjasama dalam peringkat nasional, persidangan antarabangsa atau seminar seminar yang mana mengadakan penyelidikan dan pengetahuan serta membina dwi negara hubungan dengan mengadakan persidangan, seminar dan bengkel di peringkat nasional dan tahap antarabangsa. Di samping itu juga, wakil Greenwich University turut menjemput pihak UniMAP untuk mengadakan lawatan balas bagi tujuan mengenalpasti peluang kerjasama akademik dan penyelidikan, mengadakan perkongsian maklumat, termasuk dalam bentuk bahan perpustakaan dan penerbitan ilmiah dan mengadakan program pertukaran staf akademik dan juga bukan-akademik yang mana program ini boleh dijayakan melalui program sabatikal.